

Serie A N.º 0358946

SESION EXTRAORDINARIA CELEBRADA POLO PLENO DO CONCELLO
O DIA 11 / DECEMBRO / 1995

S U M A R I O

- 1.- APROBACION, NO SEU CASO, DA ACTA DA SESION CELEBRADA O DIA 13 DE NOVEMBRO DE 1.995.

BENESTAR SOCIAL:

- 2.- PROPOSTA DA COMISION INFORMATIVA DE BENESTAR SOCIAL, DE APROBACION ORDENANZA REGULADORA DO PROGRAMA DE AXUDA NO FOGAR.
- 3.- ADOPCION DE ACORDOS REFERENTES O PROXECTO DA ESCOLA TALLER REDONDELA "FEDERICA MONTSENY II".

FACENDA E PATRIMONIO:

- 4.- DAR CONTA DO EXPEDIENTE DE MODIFICACION DE CREDITO N.º 27/95.
- 5.- DAR CONTA DA OPERACION DE TESOURERIA N.º 4/95, POR IMPORTE DE 45.000.000.- DE PESETAS.
- 6.- EXPEDIENTE DE PRESTAMO 3/95, POR IMPORTE DE 59.194.803.- PESETAS.
- 7.- RECOÑECIMENTO EXTRAJUDICIAL DE CREDITOS.
- 8.- DECLARACION DE TITULARIDADE MUNICIPAL DA PARCELA SITA EN FORTONS-CEDEIRA.
- 9.- CESION O M.O.P.T.M.A. DE TERREOS P.K. 1.500 A 1.950 NA PARROQUIA DE QUINTELA.

URBANISMO, VIAS E OBRAS:

- 10.- PROPOSTA DA ALCALDIA REFERENTE A APROBACION PROXECTO DA PONTE SOBRE O RIO ALVEDOSA E SOLICITUDE OCUPACION TERREOS DE DOMINIO PUBLICO MARITIMO-TERRESTRE.

Na Sala de Sesións do Concello de Redondela, ás vinte horas do día once de Decembro de mil novecentos noventa e cinco, baixo a Presidencia do Ilmo. Sr. Alcalde, D. XAIME REI BARREIRO, e a asistencia dos Concelleiros/as Sres/as. D. MANUEL ALONSO LEMOS, D. JOSE BLANCO PUGA, Dña. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. EMILIO GONZALEZ IGLESIAS, D. XOSE LUIS GRANDE GRANDE, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, Dña. CECILIA PEREZ ORGE, D. MANUEL PIÑEIRO COSTAS, D. FRANCISCO PUCH CASAL, D. AMADO RICON VIRULEGIO, D. LUIS RODRIGUEZ VILARCHAN, D. JOSE MANUEL SOTO VIRULEGIO, D. JAIME TORNERO LOPEZ, e Dña. JOSEFA VILLAYERDE RODRIGUEZ, actuando como Secretario que certifica, D. LUIS TORRADO VAZQUEZ, se constitúe o Pleno do Ilmo. Concello en sesión extraordinaria correspondente ó día da data, e conforme á convocatoria e de acordo coa Orde do Día remitida a tódolos Sres. Concelleiros coa antelación legalmente requirida. Non asiste o Sra. BASTOS RODRIGUEZ. Está tamén presente o Sr. Interventor de Fondos D. MODESTO SOLLA SANZ.

A Presidencia declara aberta a sesión en primeira convocatoria, procedéndose a trata-los asuntos da Orde do Día.

1.- APROBACION, NO SEU CASO, DA ACTA DA SESION CELEBRADA O DIA 13 DE NOVIEMBRE DE 1.995.-

Pola Presidencia dase conta da Acta da sesión celebrada con carácter extraordinario polo Pleno do Concello o día 13 de Novembro de 1.995.

Este Concello Pleno, por unanimidade dos Sres. Concelleiros/as asistentes, prestoulle a súa aprobación á citada Acta, sen formular reparo algún.-

Serie A N.º 0358947

2.- PROPOSTA DA COMISION INFORMATIVA DE BENESTAR SOCIAL, DE APROBACION ORDENANZA REGULADORA DO PROGRAMA DE AXUDA NO FOGAR.-

Polo Sr. Alcalde-Presidente dase conta a este Concello Pleno de expediente relativo á aprobación da Ordenanza Reguladora do Programa de Axuda no Fogar.

Seguidamente pola Presidencia dase conta a este Concello Pleno de Proposta emitida neste asunto pola Comisión Informativa de Benestar Social, en data 24 de Novembro de 1995, que dí:

"Vista a Proposta de Ordenanza Reguladora do Programa de Axuda no Fogar do Concello de Redondela, e valorada na Comisión Informativa de Benestar Social celebrada o 22 de Novembro do ano que andamos, os Sres. membros presentes dicidiron prestarlle o seu apoio."

Este Concello Pleno, por unanimidade dos Sres. Concelleiros/as asistentes, adoptou, os acordos seguintes:

PRIMEIRO.- Prestarlle a súa conformidade á citada proposta da Comisión Informativa de Benestar Social e na súa consecuencia aprobar inicialmente a Ordenanza reguladora do Programa de Axuda no Fogar do Concello de Redondela.

SEGUNDO.- Somete-la ó trámite de información pública, por prazo de trinta días, a efectos de reclamacións e suxerencias, entendéndose definitivamente aprobada, se durante o mesmo non se formularan reclamacións, procedéndose posteriormente a súa publicación no Boletín Oficial da Provincia, ó obxecto da súa entrada en vigor.-

3.- ADOPCION DE ACORDOS REFERENTES O PROXECTO DA ESCOLA TALLER REDONDELA "FEDERICA MONTSENY II".-

Polo Sr. Alcalde-Presidente dase conta de expediente relativo ó Proxecto de Escola Taller Redondela "FEDERICA MONTSENY II".

Polo Sr. Presidente dase conta a este Concello Pleno de Proposta da Comisión Informativa de Benestar Social, que transcrita dí:

"En relación coa modificación e corrección do Proxecto de Escola Taller Redondela (FEDERICA MONTSENY II), presentado no INEM con data 4 de Maio de 1995, segundo escrito deste Organismo e xuntanza co Xefe de Sección de Escolas Taller e Casas de Oficios o día 29 de Setembro de 1.995.

Visto o expediente de modificación e corrección do Proxecto Escola Taller Redondela (Federica Montseny II), os Sres./as membros presentes da Comisión, en votación ordinaria e por unanimidade, acordaron propoñer ó Concello Pleno, a adopción do seguinte acordo:

Suprimi-lo epígrafe "Remodelación do Antigo Instituto da Xunqueira", incluído no apartado 4, da modificación e corrección do Proxecto Escola Taller Redondela (Federica Montseny II)."

Así mesmo pola Presidencia dase conta ó Concello Pleno de proposta do Sr. Presidente da Comisión de Benestar Social, de data 5 de Decembro, que transcrita di:

"O Concello Pleno, en sesión de data 3 de Abril de 1995, aprobou o Proxecto de Escola Taller "FEDERICA MONTSENY II", o que foi remitido, xunto coa solicitude de subvención destinada a financiar os gastos de formación e funcionamento, así como os custes salariais de alumnos-traballadores, á Dirección Provincial do Instituto Nacional de Emprego.

Sendo preciso efectuar algunhas modificacións no proxecto de referencia, que se contemplan no proxecto de Modificación que se adxunta, e dictaminado favorablemente pola Comisión Informativa de Benestar Social de data 30 de Outubro de 1995, coa supresión do epígrafe "Remodelación do antigo Instituto da Xunqueira", propónse ó Concello Pleno, a adopción dos seguintes acordos:

Primeiro.- Prestar aprobación ás modificacións efectuadas no Proxecto de Escola Taller "Federica Montseny II".

Segundo.- Comprometerse o Concello, a financiar aquela parte do proxecto que non sexa subvencionada polo INEM.

Serie A N.º 0358948

Pola Presidencia ábrese o correspondente turno de deliberacións.

Concedida a palabra pola Presidencia á Concelleira Dña. Cecilia Pérez Orge, por esta maniféstase que no proxecto en cuestión non se fai consta-la correspondente ubicación dos talleres.

Concedida a palabra pola Presidencia ó Concelleiro D. Jaime Tornero López, por este se da a debida explicación á cuestión formulada pola anterior Sra. Concelleira.

Este Concello Pleno, por unanimidade dos Sres. Concelleiros/as asistentes, acorda presta-la súa aprobación ó dictame da Comisión Informativa de Benestar Social referente a este asunto, así como á Proposta do Sr. Presidente da Comisión de Benestar Social de data 5 de Decembro de 1995, antes citados.-

4.- DAR CONTA DO EXPEDIENTE DE MODIFICACION DE CREDITO Nº 27/95.-

Polo Sr. Alcalde-Presidente dase conta do Expediente de Modificación de Crédito nº 27/95, aprobado por Resolución da Alcaldía de data 27 de Novembro de 1995, por importe de 4.725.164.- Pesetas, sendo a súa orixe e os destinos das transferencias as que figuran no mesmo.

Este Concello Pleno, queda ENTERADO do contido do devandito asunto.-

5.- DAR CONTA DA OPERACION DE TESOURERIA Nº 4/95, POR IMPORTE DE 45.000.000.- DE PESETAS.-

Pola Presidente retírase o presente asunto da Orde do Día da presente sesión extraordinaria.-

6.- EXPEDIENTE DE PRESTAMO 3/95, POR IMPORTE DE 59.194.803.- DE PESETAS.-

Polo Sr. Alcalde-Presidente dase conta a este Concello Pleno de expediente de préstamo 3/95 por importe de 59.194.803.- Pesetas, constando no mesmo informe do Sr. Interventor de data 16 de Novembro de 1995, así como o preceptivo informe do Sr. Secretario de data 27/11/95, por tratarse dun asunto que require maioría absoluta.

Así mesmo polo Sr. Presidente dase conta a este Concello Pleno, de dictame emitido pola Comisión Informativa de Facenda e Patrimonio en data 4 de Decembro de 1995, que dí:

"Visto o expte. referido ó préstamo a longo prazo polo importe de 59.194.803.- pesetas; vistos así mesmo os informes dos técnicos competentes e demais documentación adxunta ó expediente, os membros da Comisión, despois de deliberar, acordan dictaminar favorablemente a seguinte proposta:

PRIMEIRO.- Aproba-lo préstamo 3/95 coas seguintes características:

- * Contía 59.194.803.- Pesetas.
- * Destino Finanzamento dos seguintes investimentos e transferencias de capital incluídos no orzamento do Concello para 1995:
 - a) 25.000.000 de pesetas correspondentes ó 50% da aportación municipal ás obras de construción dunha piscina en Redondela, (95 4521B 750 00).
 - b) 20.000.000 de pesetas correspondentes ó crédito retido na partida 95 5111B 611 00, destinado á apertura, construción, pavimentación e reposición de camiños e vías públicas.

Serie A N.º 0358949

c) 8.194.803 pesetas correspondentes á aportación municipal ás obras de "Apertura e pavimentación dos camiños do Carrascal e Quintana-Garonda en Reboreda, POS/95", (95 5111B 611 03).

d) 6.000.000 de pesetas correspondentes ás "Subvencións a parroquias para redes de auga e sumidoiro", (95 4411A 789 00).

* Prazo Doce anos, incluíndo dous de carencia.

* Amortizacións Trimestrais, sistema francés; por trimestres naturais vencidos.

* Entidade Banco de Santander, S.A..

* Tipo de xuro Referenciado ó MIBOR a 90 días, revisable trimestralmente, máis un diferencial do 0'25%.

* Comisión de apertura ... 0'15%.

* Outros gastos e comisións. Exento.

SEGUNDO.- Facultar á Alcaldía para solicitar da Dirección Xeral de Política Financieira e Tesouro, da Consellería de Economía e Facenda, autorización para concerta-lo préstamo 3/95, así como para proceder a súa sinatura en nome e representación do Concello e cantos outros trámites e requisitos sexan precisos para a sinatura do préstamo 3/95".

A Comisión de Facenda e Patrimonio cos votos a favor dos concelleiros do P.S.O.E., D. Emilio González Iglesias e D. José Blanco Puga e do B.N.G., D. Carlos Pazos Docampo e coa abstención dos Concelleiros do P.P., D. Amado Ricón Virulegio, D. Luís Alberto Míguez Docampo e D. José Manuel Soto Virulegio, diciden propoñer ó Pleno do Concello a súa aprobación."

Pola Presidencia ábrese o correspondente turno de debate.

Concedida a palabra pola Presidencia ó Concelleiro Sr. Alonso Lemos, por este maniféstase que non está de acordo con todo tipo de préstamos, xa que significa maior grado de endebedamento, pedindo a dimisión do Concelleiro de Facenda Sr. González Iglesias. Remata a súa intervención, sinalando que votará en contra deste asunto.

Concedida a palabra pola Presidencia ó Concelleiro Sr. Pazos Docampo, por este maniféstase que se reitera en manifestacións anteriores, no sentido de que por principio debería de votar en contra do mesmo, pero tendo en conta o destino do investimento, así como o pago a empresas pola execución de obras, incluídas no citado expediente, e a paralización da xestión municipal que significaría tal en voto en contra, sinala en definitiva a súa intención de votar a favor do mesmo.

Concedida a palabra pola Presidencia ó Concelleiro Sr. Míguez Docampo, por este sinalase que o PP absterase na votación deste acordo, por non estar de acordo coa política de préstamos que sigue mantendo o Grupo de Goberno, xa que se sigue incrementando o nivel de débeda que alcanza mil douscentos millóns de pesetas, significando así mesmo, que en setembro existían cen millóns de pesetas de facturas non contabilizadas. Remata a súa intervención o citado Sr. Concelleiro indicando que nestas datas todavía non hai proxecto de presuposto para o ano que ven.

Concedida a palabra pola Presidencia ó Concelleiro Sr. González Iglesias, por este móstrase contrario á opinión mantida polo Concelleiro Sr. Alonso Lemos e dirixíndose ó mesmo indícalle que algún día explicarlle o que fixo o mesmo cando foi Concelleiro de Facenda deste Concello.

Continúa a súa intervención o Sr. Concelleiro antes citado, quen dirixíndose ó Concelleiro Sr. Míguez Docampo, indícalle ó mesmo que na prensa se bailan cifras e que hai moitas formas de facer política, xa que o seu partido propón que non se suban os impostos, e cando gobernan os multiplican, e pon como exemplo o que ocorre en Vigo e na Comunidade de Madrid, sinalando que hai que facer un discurso único, tanto si se está no goberno coma na oposición. Polo Concelleiro Sr. González Iglesias

Serie A N.º 0358950

remátase a súa intervención, interesando que o PP consiga para Redondela as mesmas subvencións que para outros Concellos gobernados polo citado partido, xa que así se xenerarían menos préstamos, e pide en última instancia que o PP sexa máis consecuente.

Concedida a palabra pola Presidencia ó Concelleiro Sr. Alonso Lemos, por este sinalase que está de acordo co fondo dos préstamos en cuestión, pero dí que cantos máis préstamos se pidan, máis terán que pagalos cidadáns, e que é razoable a súa petición de dimisión do Concelleiro Sr. González Iglesias, xa que dende que colleu esta área de Facenda, encareceulle a vida ós cidadáns de Redondela.

Concedida a palabra pola Presidencia ó Concelleiro Sr. Míguez Docampo, por este se indica que as cifras manifestadas son datos ofrecidos polos servicios económicos deste Concello.

Concedida a palabra pola Presidencia ó Concelleiro Sr. González Iglesias, por este dirixíndose ó Concelleiro Sr. Míguez Docampo, indícalle que debe de acostumbrarse a escoita-la referencia a outros Concellos e Institucións, xa que esa é a súa intención, indicando que na Deputación de Pontevedra, polo PP se utiliza con moita frecuencia do crédito, mentras que neste Concello o mesmo partido ponlle trabas ós préstamos que se pretenden levar a cabo, sinalando por outro lado, que non se poden confundi-las operacións de tesourería cos préstamos.

Remata a súa intervención o Sr. Concelleiro antes citado, manifestándolle ó Sr. Alonso Lemos, que si polo mesmo se está de acordo co fondo e non coa política de préstamos seguida por este grupo de goberno, que polo mesmo se ofrezca unha alternativa neste asunto.

Non habendo unanimidade de criterios, pola Presidencia sométese a votación o presente asunto.

Efectuada esta, obtívose o seguinte resultado: Vota en contra o Concelleiro Sr. Alonso Lemos; abstivéronse os Sres. Concelleiros/as do PP (8); e votan a favor, os Sres. Concelleiros/as do PSdeG-PSOE (8) e os Sres. Concelleiros/as do B.N.G. (3). Resultando polo tanto aprobado por maioría absoluta o correspondente dictame, e na súa consecuencia o expediente de préstamo 3/95, por importe de 59.194.803.- Pesetas.-

7.- RECOÑECIMIENTO EXTRAJUDICIAL DE CREDITOS.-

Polo Sr. Alcalde-Presidente se fai saber a este Concello Pleno que non estando dictaminado este asunto pola Comisión Informativa correspondente, é necesario que de conformidade co disposto no Artigo 82.3 do Regulamento de Organización, Funcionamento e Réxime Xurídico das Entidades Locais, se ratifique polo Pleno a súa inclusión na Orde do Día da presente sesión extraordinaria.

Este Concello Pleno, por unanimidade dos Sres. Concelleiros/as asistentes, acorda ratificala inclusión deste asunto na Orde do Día da presente sesión extraordinaria.

Pola Presidencia dase conta a este Concello Pleno de factura nº 11/95, de data 18/8/95, de JOSE A. FELICIANO CONSTRUCCIONES, S.L., con enderezo en O Pico-to, 7-Cidadelle, Chapela, por un importe total de 2.500.117.- Pesetas, I.V.E. engadido, correspondente á obra executada no camiño de Costa, Igrexa, Chapela, adxuntándose informe do Enxeñeiro de Camiños, Canles e Portos, D. Alberto Moreno García, de data 21 de Setembro de 1995, o que indica, entre outras cousas, que a factura corresponde á obra realmente executada, e os precios das unidades de obra, están por debaixo dos precios do mercado.

Pola Presidencia ábrese o correspondente turno de intervencións.

Concedida a palabra pola Presidencia ó Concelleiro Sr. Pazos Docampo, por este solicítase explicacións referentes á factura en cuestión.

Concedida a palabra pola Presidencia ó Concelleiro Sr. González Iglesias, por este maniféstase que a factura en cuestión refírese a un camiño que está pendente de execución segundo proxecto do Enxeñeiro D. Alberto Moreno García e que unha vez conseguido o consentimento dos veciños para levalo a cabo, pediulle ó Sr. Interventor si tiña partida presupostaria para poder executala, indicándolle que sí, pero que logo cando foi a cobra-lo contratista, non se lle pudo facer efectivo o importe da mesma.

Serie A N.º 0358951

Concedida a palabra pola Presidencia ó Concelleiro Sr. Pazos Docampo, por este maniféstase que non está de acordo coa mecánica empregada considerando que podería facerse a obra por administración, pero que non obstante vaille a prestala súa aprobación.

Concedida a palabra pola Presidencia ó Concelleiro Sr. Alonso Lemos, por este sinálase a necesidade da obra en cuestión, e que a vítima neste asunto sería o constructor, polo que vaille a prestala súa aprobación.

Non habendo unanimidade de criterios, pola Presidencia sométese este asunto a votación.

Efectuada esta, obtívose o seguinte resultado: Votan en contra deste asunto, os Sres. Concelleiros/as do PP (8). Votan favorablemente os Sres. Concelleiros do PSdeG-PSOE (8), os Sres. Concelleiros/as do B.N.G. (3), e o Sr. Concelleiro Alonso Lemos. Na súa consecuencia, resultou aprobada a citada factura e recoñecido o crédito correspondente para poder facer efectivo o pago da mesma.-

8.- DECLARACION DE TITULARIDADE MUNICIPAL DA PARCELA SITA EN FORTONS-CEDEIRA.-

Pola Presidencia, e con asentimento de todos os Concelleiros/as da Corporación, se retira o asunto de referencia da Orde do Día da presente sesión extraordinaria.-

9.- CESION O M.O.P.T.M.A. DE TERREOS P.K. 1.500 A 1.950 NA PARROQUIA DE QUINTELA.-

Pola Presidencia dase conta a este Concello Pleno de expediente tramitado por este Concello referente a cesión gratuita ó M.O.P.T.M.A. de terreos sitos na parroquia de Quintela e correspondentes ó P.K. 1.500 a P.K. 1.950, no que consta informe do Sr. Secretario deste Concello relativo á esixencia por imperativo legal do voto favorable da maioría absoluta do número legal de membros da Corporación para aprobación do mesmo.

Así mesmo pola Presidencia dase conta a este Concello Pleno de dictame emitido neste asunto pola Comisión de Facenda e Patrimonio, en data 4 de Decembro de 1995, que dí así:

"Visto o expediente de cesión gratuita ó MOPTMA dos terreos propiedade deste Concello, comprendidos entre os P.K. 1.500 a 1.950 da antiga vía férrea na parroquia de Quintela para obras do proxecto reformado do trazado da variante da EN-550, tramo Porriño-Redonde-la, así como os informes dos técnicos competentes e demais documentación adxunta, os membros da Comisión de Facenda e Patrimonio, despois de deliberar, dictaminan por unanimidade a cesión gratuita ó MOPTMA dos citados terreos e propoñen ó Pleno do Concello a súa aprobación."

Pola Presidencia ábrese o correspondente turno de intervencións.

Concedida a palabra pola Presidencia ó Sr. Soto Virulegio, por este interésase que conste en acta, que non tivo coñecemento da exposición ó público do presente asunto, e que cando se enterou do anuncio no Boletín Oficial da Provincia, xa lle pasara o prazo de reclamación, e que se lle deu como explicación que o referido anuncio estivera no expediente de inscrición dos terreos a cal cesión preténdese levar a cabo.

Este Concello Pleno, por unanimidade ds Sres. Concelleiros/as asistentes á presente sesión, acorda presta-la súa conformidade ó dictame da Comisión Informativa antes citada, e na súa consecuencia a cesión gratuita ó MOPTMA dos terreos sitos na parroquia de Quintela e comprendidos nos puntos P.K. 1.500 ó 1.950.-

10.- PROPOSTA DA ALCALDIA REFERENTE A APROBACION PROXECTO DA PONTE SOBRE O RIO ALVEDOSA E SOLICITUDE OCUPACION TERREOS DE DOMINIO PUBLICO MARITIMO-TERRESTRE.-

Polo Sr. Alcalde-Presidente se fai saber a este Concello Pleno que non estando dictaminado este asunto pola Comisión Informativa correspondente, é neces-

Serie A N.º 0358952

sario que de conformidade co disposto no Artigo 82.3 do Regulamento de Organización, Funcionamento e Réxime Xurídico das Entidades Locais, se ratifique polo Pleno a súa inclusión na Orde do Día da presente sesión extraordinaria.

Este Concello Pleno, por unanimidade dos Sres. Concelleiros/as asistentes, acorda ratificala inclusión deste asunto na Orde do Día da presente sesión extraordinaria.

Pola Presidencia dase conta a este Concello Pleno de proxecto técnico da Ponte sobre o Río Alvedosa, redactado polo Enxeñeiro de Camiños D. Antonio Gabriel García González, así como da súa proposta de data 5 de Decembro de 1.995, que dí:

"Examinado o proxecto da Ponte sobre o Río Alvedosa, no que se definen as obras necesarias para levar a efecto a súa construción e solicitar do Ministerio de Obras Públicas, Transportes e Medio Ambiente, a pertinente concesión administrativa.

Vistos os informes emitidos polo Enxeñeiro de Camiños D. Alberto Moreno García e a Arquitecta Asesora Municipal, esta Alcaldía ó Concello Pleno ten a ben propoñela adopción dos seguintes acordos:

PRIMEIRO.- Prestar aprobación ó proxecto da Ponte sobre o Río Alvedosa, redactado polo Enxeñeiro de Camiños D. Antonio Gabriel García González, visado polo Colexio Oficial con data 27 de Setembro de 1995, debendo incorporarse ó mesmo, antes da súa remisión ó M.O.P.T.M.A. os documentos reseñados no informe da Arquitecta Asesora Municipal.

SEGUNDO.- Facultar expresamente ó Sr. Alcalde para solicitar a ocupación de 160 M² de terreos de dominio público marítimo terrestre con destino á construción da devandita ponte."

Pola Presidencia ábrese o correspondente turno de debate.

Concedida a palabra pola Presidencia ó Concelleiro Sr. Alonso Lemos, por este interésase da Presidencia que lle manifeste si este asunto está relacionado co aparcamento da Xunqueira.

Polo Sr. Alcalde-Presidente maniféstaselle ó anterior Sr. Concelleiro que este asunto non está intimamente relacionado co do aparcamento, que se trata de dous proxectos distintos e que a ponte é necesaria para a Vila de Redondela con aparcamento ou sin el.

Concedida a palabra pola Presidencia ó Concelleiro Sr. Pazos Docampo, por este maniféstase que non está de acordo cos informes emitidos polos técnicos neste asunto, xa que os mesmos deben de dicir si o proxecto en cuestión cumpre ou non coa normativa vixente.

Concedida a palabra pola Presidencia ó Sr. Ricón Virulegio, por este pregúntaselle á Presidencia si a apertura do aparcamento está supeditada á construción desa ponte sobre o río Alvedosa.

Polo Sr. Alcalde-Presidente sinálase que polo Sr. Xefe de Costas de Pontevedra se lle indicou que si se aprobaba polo Concello o proxecto en cuestión e se solicitaba a ocupación de dominio público correspondente, en dez días podería estar feita a ponte citada, e na súa consecuencia inagurarse conxuntamente co aparcamento.

Este Concello Pleno, por unanimidade dos Sres. Concelleiros asistentes á presente sesión, acorda presta-la súa aprobación á Proposta da Alcaldía antes citada, e na súa consecuencia prestar aprobación ó proxecto da Ponte sobre o Río Alvedosa, redactado polo Enxeñeiro de Camiños D. Antonio Gabriel García González, incorporándose ó mesmo os documentos reseñados no informe da Arquitecta Asesora Municipal, así como facultar expresamente ó Sr. Alcalde deste Concello para solicitar-la ocupación de 160 M² de terreos de dominio público marítimo terrestre, con destino á construción da devandita ponte.-

E, rematados os asuntos a tratar, pola Presidencia levantouse a sesión, sendo as vinte horas e cincuenta e cinco minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio 158 do Papel Timbrado da Comunidade Autónoma de Galicia Serie A NQ 0358946 ata a volta do folio 164, Serie A NQ 0358952, de todo o que, como Secretario, DOU FE.-

Serie A N.º 0358953

O ALCALDE

O SECRETARIO

XAIME REI BARREIRO

LUIS TORRADO VAZQUEZ

DILIXENCIA

A extendo eu o Secretario, para facer constar que a sesión ordinaria correspondente ó día da data non se celebrou, por non haber sido convocada pola Presidencia da Corporación.

Redondela, 22 de Decembro de 1.995.

O SECRETARIO

LUIS TORRADO VAZQUEZ

SESION EXTRAORDINARIA CELEBRADA POLO PLENO DO CONCELLO
O DIA 29 / DECEMBRO / 1.995

S U M A R I O

- 1.- APROBACION, NO SEU CASO, DA ACTA DA SESION ANTERIOR.
- 2.- CORRECCION DE ERROS NO DOCUMENTO DAS NN.SS. DE PLANEAMENTO DE AMBITO MUNICIPAL.